

# Rampas hasil laut RM3.1 juta

Hm 29/9/2022 MJ: 18

Oleh Mohamad  
Fahd Rahmat  
am@hmetro.com.my

*19 kru warga Vietnam ditahan ketika aktiviti tunda pukut secara bergandingan*

## Mersing

Kira-kira 3,000 kilogram (kg) hasil tangkapan laut dan dua bot nelayan asing bernilai kira-kira RM3.1 juta dirampas dalam operasi bersepadu di kedudukan 12.8 batu nautika timur laut Pulau Aur di sini, kelmarin.

**3,000kg**

Hasil tangkapan laut dirampas dalam operasi bersepadu di kedudukan 12.8 batu nautika timur laut Pulau Aur, Mersing

Pengarah Zon Maritim Mersing, Komander Maritim Khairul Nizam Misran berkata, turut ditahan 19 kru warga Vietnam berusia 18 hingga 51 tahun dalam operasi jam 2.30 petang itu selepas gagal mempamerkan pengenalan diri yang sah.

Katanya, kejayaan hasil operasi penguatkuasaan Op Jaksa dan Op

Bersepadu oleh Agensi Penguatkuasaan Maritim Malaysia (APMM) Zon Maritim Mersing bersama Pasukan Polis Marin (PPM).

"Kedua-dua bot nelayan asing itu ditahan ketika sedang melakukan aktiviti menunda pukut secara bergandingan.

"Ia susulan hasil aduan awam daripada kru bot me-

mancing yang berada berdekatan dengan pulau terbabit," katanya dalam satu kenyataan, semalam.

Beliau berkata, kes akan disiasat mengikut Akta Perikanan 1985 kerana menceroboh dan menangkap ikan di perairan Malaysia tanpa kebenaran dari Pengarah Perikanan Malaysia dan Akta Imigresen

1959/1963 kerana gagal mempamerkan dokumen pengenalan diri yang sah.

"Dua bot berserta peralatan menangkap ikan, hasil tangkapan dan 19 kru ditahan itu dibawa ke Jeti Maritim Malaysia Pos Teluk Gading untuk siasatan lanjut," katanya.

Beliau berkata, APMM secara tegas mengambil serius dan tidak akan berkompromi dengan mana-mana pi-

hak yang terbabit dengan aktiviti pencerobohan vesel penangkapan ikan negara asing bagi mengaut hasil laut dalam perairan negara.

"APMM mengingatkan seluruh komuniti maritim supaya sentiasa mematuhi undang-undang dan sekiranya gagal tindakan sewajarnya akan dikenakan tindakan sewajarnya," katanya.

Katanya, sebarang aduan jenayah segera hubungi talian kecemasan MERS 999 atau Pusat Operasi Maritim Negeri Johor di talian 072199404.

